


## Whakatipu Rangatira

E poho kererū ana mātau ki te whakarewa i te kaupapa o **Whakatipu Rangatira**, he kaupapa kura whānui e whakakaupapa ana i te whakanui i ngā mokopuna e whakaatu ana i tēnei mea te rangatira ki tō tātau kura, ki raro i te kahu o Te Aho Matua. Ka rewa ōkawa nei te kaupapa nei hei te Mane 16 o Pēpuere.

He mea hanga tēnei e ngā kaimahi o te kura, ā, e whakatūāpapatia ana e Te Aho Matua. He kaupapa whaikoha tēnei ki te kaha o te mokopuna ki te whakatinana i ngā mātāpono o Te Aho Matua e ai ki tō tātau kura, ki tō tātau ahurea. Ka whakanuia tō rātau whakaū ki te kaupapa nei i roto i ngā horopaki tini i te taiao o te kura, me ngā wāhi tae ai te kura.

### Tōna Hanga:



### Te Whakatipu Ngatahi i ngā Rangatira

Ehara ia ko te tuku taonga tōna aronga nui hoi, he arotahi kē i te mana me te tapu o te mokopuna me te whakakaha i te kaupapa tuakana tāina mā roto mai i ngā Hau e Whā. Ko ngā piro hoki o te kaupapa o Whakatipu Rangatira, ka whāngai atu ki tētahi pūketete nui hei tohu i te tino hau o te kura mō ia tau.